

Radunanza generala dals 2. december 2006, a las 20.30, al Cafè Sala

Cun ün pà retard po nos president Cla Valentin salüdar a bundand üna vainchina da commembers /as e rivir la radunanza. A regard las tractandas nu vegnan fattas ingüinas obieziuns.

S-chüsats s'han: Sonja Gartmann, Annabarbla Buchli, Georg Salomon e Silvio Vital

In memoria a Plasch Lansel, chi'd es mort la fin da november, daja üna minuta da silenzi.

Tractandas

1. Salüd dal president e s-chüsas
2. Tschernas scrutinadurs
3. Prelecziun dal protocol da la radunanza generala 2005
4. Rapport annual dal president
5. Rapport da la chaschiera e dals revisurs da quint
6. Rapports schef da pista, schef da tura, president Super –G, delegià Traversada e Stafetta tras Sent
7. Mutaziuns ed onurificaziuns
8. Tschernas: president/a
 actuar/a
 schef da pista
 schef da tura
 schef da material
 revisur/a
9. Fixar la contribuziun annuala
10. Program da l'on
11. Varia (local per material)

2. Tscherna scrutinadurs

Sco scrutinadur vain fat la proposta per Mario Rauch.

3. Prelecziun protocol radunanza generala 2005

Il protocol da la radunanza generala 2005 es gnü tramiss insembel cul invid per la radunanza da quist on. Quel vain fat bun unanin.

4. Rapport annual dal president

Davo 10 ons president, manzuna Cla al cumanzamaint da seis rapport, cha quai saja seis ultim. El ingrazcha a tuot quels chi han sustgnü e güdà ad el in quists desch ons, ch'el haja pudü passantar bleras bellas uras in cumpagnia, sia quai a tuot ils arrandschamaints da nos club, ma eir in colavuraziun cun oters clubs da la regiun.

5. Rapport chaschiera e revisurs da quint

Nossa chaschiera Adriana po preschantar eir quist on ün bilantsch fich positiv. Las ustarias chi sun gnüdas fattas dūrant la stà sün Plaz (Stafetta, concert da musica) e las cuorsas da skis chantunals da l'oj, han manà ün bel guadogn. Ils revisurs da quint, Duri Valentin e Domenic Bass, sco eir la radunanza, fan bun il rendaquint cun applaus.

6. Rapport schef da pista

Nos schef da pista Christian manzuna, cha'l passlung dal club nun es gnü manà tras quist on, cun be 3 annunzchas nu vaglieva la paina dad ir apostà sù Ftan. La participaziun pro las cuorsas alpinas es lura statta ün pà plü allegraivla, quellas han pudü gnir manadas tras cun bell'ora sülla Motta.

Sco minch'on ha nos club eir güdà cull'organisaziun dal Passlung Scuol – Martina e diversas cuorsas d'uffants. El ingrazcha a tuot quels chi han güdà in möd o tschel.

Rapport schef da tura

Il rapport dad Andri es fich cuort. La tura scrit oura ha stuvü gnir ditte giò causa trid'ora.

Rapport president Super – G Champatsch

Eir quia s'haja gnü paca furtüna cull'ora. Davo avair organisà e fat üna gronda luvur in sonda, haja dat d'ürant la not sün dumengia fin 40cm naiv frais-cha, impussibel da manar tras nos Super – G. Andri ingrazcha istess a tuot quels chi han darcheu muossà buna vöglija per güdar culla cuorsa tradiziunala.

Rapport delegià Traversada

Sco üsit, vain manadà tras la Traversada adüna ils ons dispêrs. Quist on han darcheu tut part divers da nos club a la traversada da nos vaschins dal Vnuost. La data per l'ündesch'avla Traversada da Sent : 07.07.2007

Rapport stafetta tras Sent

Andri Gritti manzuna, cha'l böt da la stafetta, gronda participaziun ed impustüt il plaschair da tour part a quist arrandschamaint, es gnü raggiunt eir quist on. El ingrazcha a tuot quels chi han güdà pro l'organisaziun.

7. Mutaziuns ed onurificaziuns

Quist on vegnan onurifichà sco veteranas e veterans seguaints commembers: Anna Barbla Buchli, Carolina Buchli, Annatina Nuotclà, Peder Benderer, Jon Pua e Josef Sedlacek.

8. Tschernas

Davo la demischiun da nos president Cla, fa il comitè la proposta per Christian Poo, fin qua schef da pista. Unanim e cun applaus vain el elet sco nouv president. Eir Sepp, fin qua actuar, ha demischiunà. Mario Rauch as metta a disposiziun per quella carica e vain natüralmaing eir elet cun applaus. Sco nouv schef da pista vain elet Jon Buchli. Andri Taverna, schef da material, Andri Poo, schef da tura, e Domenic bass, revisur, sun pronts da far inavant lur caricass, e vegnan reelets cun applaus.

9. Fixar contribuzin annuala

Davo il bilantsch positiv da nossa chaschiera, fa il comitè la proposta da laschar la contribuzin annuala sün 25.- La radunanza accepta quai unanim.

10. Program annual

Il program da l'on es gnü tramiss insembel cul invid per la radunanza. Nos president manzuna ils differents arrandschamaints e giavüscha da tour part a quels.

11. Varia

Per avair tuot il material dal club be in ün lö, ha deciss il comitè da verer cul cumün e la scoula, da survgnir ün local per deponar quel.

A las 22.00 po nos president serrar la radunanza. El ingrazcha per la participaziun e giavüscha a tuots ün bel inviern, cun blera naiv ed ingüns accidaints.

Pel actuar

Christian Poo